

Poesias sardas cumpostas pro sa festa
e Nostra Signora e su Remediu de Ottieri.

O T T I E R I

A treghentosnonanta dae su mare
e propriu a su pé de sa montagna
han chelfidu Ottieri piazzare.

Forsi fini abitanter de campagna,
chi idende istrumpos de abba bundante
han cumpresu chi fid'una cuccagna.

E paret chi decisu han da s'istante,
de fissare s'istabile dimora
e cuminsad'hat su prin'abitante.

Proat sa terra e fit menzus ancora,
chi produiat abundantes fruttos
pro sinde goder cun gustu a d'ogn'ora.

Ecco c'han dome e palattos costruttos,
de sos cantaros d'abba in giru in giru
e fatt'han bellos sos cuseolos bruttos.

Han fattu sa funtana cale ammiru,
Don Zuseppe su Nobile Grisone
c'ha tottu sos sididos dat respiru.

Si: sa Duchessa Borgia donascione,
fatteidi grandiosa a s'ispidale
pro consolare ogn'afflitta persone.

Sa piatta e palattu comunale,
de su Conte Tuffani fid'offerta
appoggiu de Ottieri generale.

Lughia Seche ricca e coro aberta,
ha cheias e cullegios abellidu
e c'hat beneficadu es cosa certa.

su lumen sou es tottue iscolpidu,
che Santa Immaculada chena titulu
e Bisarciu donadu a su capitulu.

Beatrice Pirastru